

## Aduertencias para

omnia ista vnam perfectam compleant nutritionem, perinde est quod alij doctores dicunt, quod effectus huius Sacramenti est augmentum gratiæ. Alij vnio, & incorporatio cum Christo. Alij sicut Scotus, quod est nutritio Spiritalis per gratiam. Sed omnia ista idem prorsus sunt. Hoc autem probet Parochus, in primis ex Concilio Florent. vbi dicitur. Effectus huius Sacramenti quæ in anima operatur digne suscipientis est adunatio hominis ad Christum, & quia per gratiã homo Christo incorporatur, & vt membrum eius vnitur, consequens est, quod per hoc Sacramentum in sumentibus dignè gratia augetur. Omnemq; effectum quem materialis cibus & potus quo ad vitam agunt corporalem, substetãdo, augendo, reparando, delectãdo. Sacramentum hoc quo ad vitam operatur spiritualement. Idem etiam dicitur in Concilio Tridentino Sess. 18. cap. 2. cuius verba supra petulimus in principio. Estq; pro hac veritate ratio manifesta. Hoc Sacramentũ sumitur per viam alimenti: ergo qualem effectum præstat alimentum corporale corpori, præstat proportionabiliter hoc Sacramentum animæ debite suscipientis: sed per alimen-